



KETE MANARUA

TOI PUORO 2024


92090 Te whakaatu māramatanga ki ngā huānga toi puoro.

NGĀ WHIWHINGA: 4

92091 Te whakamahi i ngā āhuratanga toi puoro kia puta ai he mahinga toi.

NGĀ WHIWHINGA: 4


Ka tūwhera a 'MyNZQA' ki te tuku i te Kete Manarua hei te 1 o Oketopa 2024.
Ka kati a 'MyNZQA' hei te 30 o Oketopa, 2024



*He aroha whakato,
he aroha puta mai...*

Ngā Ihirangi

He Kupu Whakataki	4
Te Motuhēhē o ngā mahi	4
Te tāpae i te Kete Manarua	5
Te Tūmahi Aromatawai - 92090	7
Te Tūmahi Aromatawai - 92091	9
Kupu Taka	10



Kete Manarua

Ka maka te pakapaka, ka ohu te karoro

Kete - ko te kete i pū mai i te pā harakeke me tōna whakapapa.

Manarua – e rua ōna mana. Tuatahi, ko te mana o ngā taonga ka kohikohia me ngā mahi huhua ka whakatutukihia e te ākongā. Tuarua, ko te mana o te ākongā, ko tōna whānau, hapū, me tōna iwi hoki, ko tōna ake mana motuhake tonu.

Te Motuhēhē o ngā mahi

E taea e ngā Ākongā te ako ngātahi, te mahi ngātahi rānei i ētahi atu tāngata hei kohikohi kōrero i ngā puna tautoko huhua. Heoi, me mātua mōhio nei te pouako, nā ngā Ākongā anō ngā mahi i whakarite, i whakatakoto.

Hei akiaki tonu i te hāponotanga o ā rātou mahi katoa me whakamahi anō ngā Ākongā i ā rātou ake kupu, ka mutu, ka kaha hāpai i ngā tikanga tohutoro e whakamana anō ai te puna o te mātauranga.

Mā te mihi e whakaatu, e whakanui hoki i ngā tāngata me ngā puna awhina i puta ai ā rātou nā mahi. Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki te tangata | puna awhina;
- Ngā momo puna awhina, puna kōrero rānei:
 - » Kōrero ā-waha: he uiui kaumātua, pakeke, rangatira, mātanga rānei;
 - » Ngā pukapuka i whakaputa;
 - » Ngā pukapuka kāore i whakaputa;
 - » Wāhitau ipurangi.

Te Tāpae i te Kete Manarua

Ko ngā tāpaenga Kete Manarua me mahi mā te pūnaha hou (kei te pae ipurangi matua o MyNZQA): [Tāpaetanga pūnaha hou NZQA](#).

E pai ana te tāpae mai i ngā taunakitanga hei kōnae matihiko, ahakoa kōnae oro, kōnae ataata rānei, hei PDF kē rānei, hei kōtuinga rānei o ngā mea e rua. Me he taunakitanga ā-pepa, me matawai, ka tuku ai hei PDF. Me whakakī anō hoki e te kaiako te Pukauhi Kete Manarua mō ia kōpaki Kete Manarua ka tukua kia aromatawaia.

Mā ngā Ākonga anō ā rātou mahi e tukuatu i te tuatahi. Tēnā, matakia te ataata, tikiake rānei i ngā tohutohu e whakaatu ana me pēhea te tuku atu i ngā tāpaenga Kete Manarua mā te pūnaha hou - [He puka aratohu](#).

Mēnā kei te hiahia āwhina ngā Ākonga ki te tuku atu i ngā tāpaenga Kete Manarua, tēnā, kōrero ki a rātou, ā, māu anō rātou e awahi, e tautoko.





TOI PUORO

92090 Te whakaatu māramatanga ki ngā huānga toi puoro

(Kaupae 1, Whiwhinga 4)

Kairangi	Kaiaka	Paetae
Ka tau te whakaatu māramatanga ki ngā huānga toi puoro	Ka ariari te whakaatu māramatanga ki ngā huānga toi puoro	Ka whakaatu māramatanga ki ngā huānga toi puoro

Tūmahi Aromatawai

Te Whakatakotoranga Aromatawai

Ka whakarite te ākongā i tētahi whakaaturanga rangahau toi puoro. **E TORU** (3) ngā wāhanga ki te whakaaturanga hei aronga mā te ākongā.

Ngā tohutohu

Ko ngā wāhanga o te whakaaturanga:

Te wāhanga tuatahi:

Kōwhiria he/ngā huānga toi puoro hei kaupapa kōrero māu. Rangahaua te huānga toi me te kohi tauira mahi o kaitito kē atu hei taunaki i āu kōrero.

Te wāhanga tuarua:

He kōrero ā-waha, tuinga kōrero rānei e whakamārama ana i te/ngā huānga toi puoro kua rangahaua e koe.

Te wāhanga tuatoru:

Ka whakaatu mai te rangahau toi puoro hei tītohunga ataata.

Kia whā (4) ngā ata o te whakaaturanga:

- Ata 1: Tō NSN, te ingoa o tō kura me tō ingoa hoki.
- Ata 2: Te kōnae ataata o tau rangahau huānga toi puoro ā-tuhi, ā-waha rānei.
- Ata 3: He kohinga tauira mahinga toi a kaitoi kē atu hei taunaki i āu kohinga rangahau.
- Ata 4: He kohinga tohuroto (E taunaki ana i āu kohinga rangahau).

E āhei ana te whakakotahi i ō kohinga rangahau ki te whakaaturanga a te mahinga toi puoro. Mēnā he tuinga, kia kua e hipa atu i te **500 kupu**, mēnā he whitiata kia kua e hipa atu i te **3 mēneti** te roa. Mā tō tuinga e mārama ai he aha te/ngā huānga i rangahaua e koe. Mā ngā tohutoro e taunaki hoki i ō kōrero.

Ngā huānga toi puoro

Ko ngā āhuatanga tātai o tētahi mahinga toi.

Hei tauira, ko te:

- hā
- reo
- oro
- hāngū tangiata
- rangi
- manawataki
- tōiri o te reo.

He maha tonu ngā tauira i tua atu i ēnei. Ehara hoki i te mea me mahi te katoa; ko te tikanga ia, kia kōwhiria te/ngā nuka e hāngai ana ki te horopaki.

He whakamārama

Ka whakaatu māramatanga ki ngā huānga toi puoro.

Ka whai, ka whakaputa māramatanga ki ngā huānga toi puoro kia hāngai ki te horopaki.
Ka taea mā te:

- kōrero
- tuhi
- whakaaturanga
- mahi me te whakamahi.

Ka ariari te whakaatu māramatanga ki ngā huānga toi puoro.

Ka whai, ka whakaputa māramatanga ki ngā huānga toi puoro kia whaitake ki te horopaki.

Ka tau te whakaatu māramatanga ki ngā huānga toi puoro.

Ka whai, ka whakaputa māramatanga ki ngā huānga toi puoro kia whai tikanga ki te horopaki.



TOI PUORO

92091 Te whakamahi i ngā āhuatanga toi puoro
kia puta ai he mahinga toi

(Kaupae 1, Whiwhinga 4)

Kairangi	Kaiaka	Paetae
Ka whakamahi i ngā āhuatanga toi puoro e whai tikanga ana kia puta ai he mahinga toi.	Ka whakamahi i ngā āhuatanga toi puoro e whaitake ana kia puta ai he mahinga toi.	Ka whakamahi i ngā āhuatanga toi puoro kia puta ai he mahinga toi.

Tūmahi Aromatawai

Te Whakatakotoranga Aromatawai

Ka whakatakoto te ākonga i tētahi whakaaturanga puoro ā-kiriata nei. Kia **2–3 mēneti** te roa o te whakaaturanga, ā, me noho mai hoki he tauākī e whakamārama ana i tōna kaupapa hei aromatawai i te Paerewa Paetae nei.

Ka whakaatu mai te mahinga toi puoro hei tītohunga ataata. Kia toru ngā ata o te whakaaturanga:

- Ata 1: Tō NSN, te ingoa o tō kura me tō ingoa hoki.
- Ata 2: Te kōnae ataata o tau whakaaturanga mahinga toi puoro.
- Ata 3: He whakamāramatanga ā-waha, ā-tuhinga rānei.

Ngā tohutohu

Ko ngā wāhanga o te whakaaturanga:

E āhei ana te whakakotahi i tau kōrero whakamārama ki te whakaaturanga a te mahinga toi puoro. Mēnā he tuhinga, kia kua e hipa atu i te **100 kupu**, kia tuku hei PDF me tō NSN. Mā te whakamāramatanga e mōhio ai ko wai te kaitito, he aha hoki te kaupapa me te horopaki o tāu mahinga toi motuhake.

E taea ai te whakaaturanga te whakaatu ā-takitahi, ā-takirua, ā-rōpū rānei, hei tauira:

- **he whakaaturanga ā-reo waiata** (he waiata ake pērā, he titonga waiata, he waiatahou, he waiata tawhito, he waiata Māori rānei).
- **he whakaaturanga ā-taonga puoro** (he whakatangi puoro tautoko, he mahi mātaiorooro, he mahi manawataki, he mahi hora puoro rānei).
- **he whakaaturanga ā-rōpū** (he pēne, he titonga ā-rōpū, he titonga hou, he titonga Māori).

Ngā āhuatanga toi puoro

Ngā āhuatanga katoa e hāngai ana ki te mahi waihanga toi puoro, arā:

- ngā ariā toi puoro pēnei me te kōrero pūrākau, te whakapapa, te aronga ā-iwi
- ngā tukanga toi puoro pēnei me te rangahau, te whakarite, te whakamahere
- ngā huānga toi puoro pēnei me te hā, te ūngeri, te manawataki, te rangi
- ngā pūkenga toi puoro pēnei me te arohaehae, te arotake, te manawanui
- ngā nuka toi puoro pēnei me te reo ngangahu, te orotahi, te kōrero whakarite.

Ehara i te mea me mahi te katoa; ko te tikanga ia, kia kōwhiria ngā āhuatanga e hāngai ana ki te horopaki.

He whakamārama

Ka whakaatu māramatanga ki ngā huānga toi puoro.

Ka whai, ka whakaputa māramatanga ki ngā huānga toi puoro kia hāngai ki te horopaki. Ka taea mā te:

- kōrero
- tuhi
- whakaaturanga
- mahi me te whakamahi.

Ka ariari te whakaatu māramatanga ki ngā huānga toi puoro.

Ka whai, ka whakaputa māramatanga ki ngā huānga toi puoro kia whitake ki te horopaki.

Ka tau te whakaatu māramatanga ki ngā huānga toi puoro.

Ka whai, ka whakaputa māramatanga ki ngā huānga toi puoro kia whai tikanga ki te horopaki.

Kupu Taka

Āhuatanga	Aspect, characteristic
Ariā	Concept, theme, idea
Hāngai	Appropriate, connected to
Huānga	Element
Kete Manarua	Digital submission
Kohikohinga	Series
Mahinga toi	Art work
Nuka toi	Māori arts feature
Pūkenga	Skill
Tāruatanga	Cover, rendition
Tauira hukihuki	Draft, series of drafts
Tukanga	Process
Whaitake	Relevant, valid
Whai tikanga	Meaningful, purposeful